

შეთანხმების ფურცელი

„დიზაინის სამართლის შესახებ“ რიადის ხელშეკრულებისა და „დიზაინის სამართლის შესახებ“ რიადის ხელშეკრულების რეგულაციების თაობაზე

№	უწყება	შენიშვნის შინაარსი	გათვალისწინების მდგომარეობა
1	საქართველოს საგარეო საქმეთა სამინისტრო	<p>ხელშეკრულების მე-6 მუხლის მე-2 პუნქტი ითვალისწინებს დეკლარაციის გაკეთების შესაძლებლობას. სასურველია, კომპეტენტურმა უწყებამ განიხილოს ხსენებული დეკლარაციის გაკეთების მიზანშეწონილობა და დადებითი გადაწყვეტილების შემთხვევაში, წარმოადგინოს შესაბამისი დეკლარაციის პროექტი;</p> <p>ხელშეკრულების 31-ე მუხლის პირველი და მე-2 პუნქტები ითვალისწინებს დათქმების გაკეთების შესაძლებლობას. შესაბამისად, სასურველია, კომპეტენტურმა უწყებამ განიხილოს ხსენებული დათქმების გაკეთების მიზანშეწონილობა და დადებითი გადაწყვეტილების შემთხვევაში, წარმოადგინოს შესაბამისი დათქმების პროექტები. გასათვალისწინებელია, რომ ამავე მუხლის მე-3 პუნქტის თანახმად,</p>	<p>გათვალისწინებულია</p> <p>კომპეტენტურმა უწყებამ განიხილა ხელშეკრულების მე-6 მუხლის მე-2 პუნქტით გათვალისწინებული დეკლარაციის გაკეთების საკითხი და მიიჩნია, რომ ზემოაღნიშნული პუნქტით განსაზღვრული საკითხები არ საჭიროებს დეკლარაციების გაკეთებას.</p> <p>გათვალისწინებულია</p> <p>კომპეტენტურმა უწყებამ, განიხილა ხელშეკრულების 31-ე მუხლის პირველი და მე-2 პუნქტებით გათვალისწინებული დათქმების გაკეთების მიზანშეწონილობა და</p>

		<p>ხსენებული დათქმები თან უნდა დაერთოს სარატიფიკაციო ან შეერთების სიგელებს;</p> <p>აქვე აღსანიშნავია, რომ საქართველო არ არის ხელშეკრულების რეგულაციების პირველი მუხლის პირველი პუნქტის „iii“ ქვეპუნქტში მითითებული „სამრეწველო დიზაინების საერთაშორისო კლასიფიკაციის დადგენის შესახებ“ ლოკარნოს ხელშეკრულების მხარე სახელმწიფო;</p> <p>მიზანშეწონილია, რომ ხელშეკრულებისა და რეგულაციების ქართულენოვანი თარგმანები შესაბამისობაში იქნეს მოყვანილი ინგლისურენოვან ტექსტებთან.</p> <p>ყოველივე ზემოაღნიშნულისა და ქვეყნის საგარეო-პოლიტიკური პრიორიტეტების გათვალისწინებით, სამინისტროს მიზანშეწონილად მიაჩნია წარმოდგენილი ხელშეკრულებისა და მისი რეგულაციების დადება.</p>	<p>მიიჩნია, რომ ზემოაღნიშნული პუნქტებით განსაზღვრული საკითხები არ საჭიროებს დათქმების გაკეთებას.</p> <p>მიღებულია მხედველობაში</p> <p>გათვალისწინებულია</p> <p>გათვალისწინებული იქნება</p>
--	--	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------

2	საქართველოს იუსტიციის სამინისტრო	<p>წარმოდგენილი ხელშეკრულება ადგენს სამრეწველო დიზაინის განაცხადის წარმოდგენა-განხილვასთან დაკავშირებულ პროცედურებსა და ფორმალობებს, რომლებიც, თავის მხრივ, უზრუნველყოფს მეტად ხელმისაწვდომ და პროგნოზირებად პირობებში ნამუშევრების დაცვას, როგორც შიდა ბაზარზე, ისე საზღვრებს გარეთ. აღნიშნული ხელშეკრულება დიზაინერებისა და მეწარმეებისათვის ითვალისწინებს შესაძლებლობას, უფრო მარტივად და ნაკლები პროცედურული ბარიერების პირობებში დაიცვან თავიანთი ნამუშევრები. კერძოდ, წინამდებარე ხელშეკრულება ადგენს იმ მინიმალურ, ერთიან სტანდარტებს, რომლებიც ზრდის სამართლებრივი დაცვის პროგნოზირებადობას, ამცირებს ფორმალობებთან დაკავშირებულ რისკებს და უზრუნველყოფს განაცხადის წარდგენის პროცესის მეტ მოქნილობას.</p> <p>აღსანიშნავია, რომ საქართველოში დიზაინის შექმნასთან, რეგისტრაციასთან, გამოყენებასთან, სამართლებრივ დაცვასა და უფლებების განხორციელებასთან დაკავშირებულ საკითხებს აწესრიგებს „დიზაინის შესახებ“ საქართველოს კანონი და სსიპ „საქართველოს ინტელექტუალური საკუთრების ეროვნული ცენტრის - საქპატენტის“ თავმჯდომარის 2011 წლის 14 დეკემბრის № 03 ბრძანებით დამტკიცებული „დიზაინის რეგისტრაციის თაობაზე“ ინსტრუქცია (შემდგომ - „ინსტრუქცია“). უნდა აღინიშნოს, რომ მოქმედი კანონმდებლობა, ძირითადად, შესაბამისობაშია ხელშეკრულებითა და შესაბამისი რეგულაციებით დადგენილ მოთხოვნებთან, თუმცა, შესაძლოა, გარკვეული სახის საკითხები სრულყოფილად არ იყოს განსაზღვრული. კერძოდ, მართალია, წინამდებარე ხელშეკრულების მე-2 მუხლი (General Principles) სახელმწიფოს ანიჭებს უფლებას შეინარჩუნოს ეროვნული</p>	<p>მიღებულია ცნობად</p> <p>გათვალისწინებულია</p> <p>მომზადდა საქართველოს კანონის პროექტი „დიზაინის შესახებ“ საქართველოს კანონში ცვლილების შეტანის თაობაზე, რომელიც ინიცირებულია.</p>

	<p>კანონმდებლობის შესაბამისი მიდგომები იმ საკითხებში, რომლებიც ხელშეკრულებით არ არის მკაცრად განსაზღვრული და, მათ შორის, ითვალისწინებს გარკვეულ დებულებებთან მიმართებით დათქმის გაკეთების შესაძლებლობას (მუხლი 31 – „Reservations“), თუმცა, ასევე, განსაზღვრავს სავალდებულო მოთხოვნებსა და გაუმჯობესებულ პირობებს, რომელთა კანონმდებლობის ფარგლებში ინტეგრირება უზრუნველყოფს სამრეწველო დიზაინთან დაკავშირებულ უფრო ხელსაყრელ და საერთაშორისო მასშტაბით ერთგვაროვან მოწესრიგებას. ამდენად, მიზანშეწონილია, ხელშეკრულების ტექსტის სპეციფიკური ბუნების გათვალისწინებითა და მასში მოცემული როგორც სავალდებულო მოთხოვნების, ისე გაუმჯობესებული პირობების მხედველობაში მიღებით, საქართველოში ინდუსტრიული დიზაინის განაცხადის განხილვაზე პასუხისმგებელი კომპეტენტური უწყებების მიერ, დამატებით შეფასდეს ეროვნული კანონმდებლობის ფარგლებში რელევანტური ცვლილებების/დამატებების (მათ შორის, ტერმინოლოგიური თვალსაზრისით) განხორციელების საჭიროება.</p> <p>წინამდებარე ხელშეკრულებისა და შესაბამის რეგულაციებთან მიმართებით გასათვალისწინებელია შემდეგი:</p> <p>ინსტრუქციის 4¹ მუხლის მე-5 პუნქტის თანახმად, უცხოელი განმცხადებელი, რომელსაც არ გააჩნია მუდმივი საცხოვრებელი ადგილი საქართველოში ან რეგისტრირებულია მისამართის მითითების გარეშე, ვალდებულია საქპატენტის მოთხოვნიდან 15 დღის ვადაში დანიშნოს წარმომადგენლად საქართველოში განსაზღვრულ მისამართზე რეგისტრირებული ქმედუნარიანი პირი, რომელსაც გაეგზავნება მისთვის განკუთვნილი ყველა საბუთი. აღნიშნულთან დაკავშირებით შევნიშნავთ, რომ ხელშეკრულების მე-5 მუხლის მე-6 პუნქტისა და რეგულაციების მე-4 წესის მე-2 პუნქტის გათვალისწინებით, უცხოელ განმცხადებელს წარმომადგენლის დასანიშნად უნდა მიეცეს არანაკლებ ორ თვემდე პერიოდი შეტყობინების თარიღიდან.</p>	<p>გათვალისწინებული იქნება.</p> <p>აღნიშნულ ინსტრუქციაში განხორციელდება ცვლილება, ცვლილების შესაბამისი პროცედურის დაცვით და შესაბამისობაში მოვა ხელშეკრულებისა და რეგულაციების დებულებებთან.</p>
--	------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------

		<p>ინსტრუქციის მე-19 მუხლის მე-7 პუნქტის თანახმად, განმცხადებელს შეუძლია გააუქმოს გამოქვეყნების გადადება და მოითხოვოს დიზაინის გამოქვეყნება არა უგვიანეს 3 თვით ადრე გამოქვეყნების ვადის ამოწურვამდე. ზემოაღნიშნულთან მიმართებით, რეკომენდებულია, მხედველობაში იქნეს მიღებული ხელშეკრულების მე-10 მუხლის მე-3 პუნქტის დანაწესი, რომლის მიხედვითაც, განმცხადებელს ან მფლობელს, გარემოებებიდან გამომდინარე, შეუძლია, სამრეწველო დიზაინის გამოქვეყნებლად დატოვებისათვის განსაზღვრული ვადის ნებისმიერ დროს მოითხოვოს სამრეწველო დიზაინის გამოქვეყნება.</p> <p>ხელშეკრულების მე-15 მუხლი განმცხადებელს ან/და მფლობელს ანიჭებს უფლებამოსილებას, პროცედურული ქმედების წარმოებისათვის დადგენილი ვადის დარღვევის შემთხვევაში, აღიდგინოს განაცხადთან ან რეგისტრაციასთან დაკავშირებული უფლებები. აღნიშნულთან დაკავშირებით შევნიშნავთ, რომ, მართალია, როგორც „დიზაინის შესახებ“ საქართველოს კანონის მე-18 მუხლის პირველი პუნქტის „ე“ ქვეპუნქტი, ისე ინსტრუქციის 23-ე მუხლი ითვალისწინებს ვადის დარღვევის გამო განაცხადთან დაკავშირებული დაკარგული უფლებების აღდგენის მექანიზმს, თუმცა, შესაძლოა, იგი სრულყოფილად არ ფარავდეს ხელშეკრულების მე-15 მუხლით გათვალისწინებულ მოთხოვნებს. კერძოდ, ზემოაღნიშნული მუხლის პირველი პუნქტის (iv) ქვეპუნქტი უფლებების აღდგენას უკავშირებს წევრ სახელმწიფოში დიზაინის განხილვაზე პასუხისმგებელი უწყების დასკვნას, რომ ვადა დაირღვა სათანადო ზომების მიღების მიუხედავად ან უნებლიეთ. ამდენად, მიზანშეწონილია, კომპეტენტური უწყებების მიერ დამატებით იქნეს განხილული აღნიშნული მექანიზმის კანონმდებლობის ფარგლებში იმპლემენტაციის საკითხი.</p> <p>ხელშეკრულების მე-16 მუხლთან მიმართებით შევნიშნავთ, რომ მიუხედავად იმისა, რომ „დიზაინის შესახებ“ საქართველოს კანონისა და ინსტრუქციის მე-13 მუხლები ითვალისწინებს პრიორიტეტით</p>	<p>გათვალისწინებული იქნება</p> <p>აღნიშნულ ინსტრუქციაში განხორციელდება ცვლილება, ცვლილების შესაბამისი პროცედურის დაცვით და შესაბამისობაში მოვა ხელშეკრულებისა და რეგულაციების დებულებებთან.</p> <p>გათვალისწინებული იქნება.</p> <p>მომზადდა საქართველოს კანონის პროექტი „დიზაინის შესახებ“ საქართველოს კანონში ცვლილების შეტანის თაობაზე, რომელიც ინიცირებულია.</p> <p>კანონის ძალაში შესვლის შემდგომ ცვლილებები აისახება ინსტრუქციაში.</p> <p>გათვალისწინებულია</p>
--	--	--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		<p>სარგებლობის შესაძლებლობას, დამატებით მოწესრიგებას საჭიროებს პრიორიტეტის მოთხოვნასთან დაკავშირებული საკითხები. კერძოდ, ხელშეკრულების მე-16 მუხლი და რეგულაციების მე-12 წესი ერთმანეთისგან განასხვავებს, ერთი მხრივ, პრიორიტეტის მოთხოვნის შესწორებას ან დამატებას და, მეორე მხრივ, პრიორიტეტის უფლების აღდგენის ინსტიტუტს. ხელშეკრულებით დადგენილ მოთხოვნებთან შესაბამისობისა და უკეთესი სამართლებრივი/უფლებრივი პირობების უზრუნველყოფის გათვალისწინებით, რეკომენდებულია, დამატებით შეფასდეს საქართველოს კანონმდებლობის ფარგლებში შესაძლო მოდიფიცირების საჭიროების საკითხი.</p> <p>ხელშეკრულების ქართულენოვან ტექსტში არსებული ტერმინები - „რატიფიკაცია“ და „მიერთება“, „საქართველოს საერთაშორისო ხელშეკრულებების შესახებ“ საქართველოს კანონის მე-7 მუხლის პირველი პუნქტის „გ“ და „ე“ ქვეპუნქტების შესაბამისად, მიზანშეწონილია, შეიცვალოს კანონმდებლობით განსაზღვრული ტერმინებით - „რატიფიცირება“ და „შეერთება“.</p> <p>ამასთან, ხელშეკრულების სავალდებულოდ აღიარების პროცედურულ ნაწილთან დაკავშირებით გათვალისწინებული უნდა იქნეს ხელშეკრულების 29-ე მუხლის მე-2 (ii) პუნქტით გათვალისწინებული დანაწესი, ასევე, „საქართველოს საერთაშორისო ხელშეკრულებების შესახებ“ საქართველოს კანონის მე-14 მუხლის მე-2 პუნქტის „ე“ ქვეპუნქტი, რომლის თანახმადაც იმ საერთაშორისო ხელშეკრულების გარდა, რომელიც ითვალისწინებს რატიფიცირებას, სავალდებულოა აგრეთვე ისეთი საერთაშორისო ხელშეკრულების რატიფიცირება ან მასთან შეერთება, რომელიც მოითხოვს შიდასახელმწიფოებრივი</p>	<p>მომზადდა საქართველოს კანონის პროექტი „დიზაინის შესახებ“ საქართველოს კანონში ცვლილების შეტანის თაობაზე, რომელიც ინიცირებულია.</p> <p>კანონის ძალაში შესვლის შემდგომ ცვლილებები აისახება ინსტრუქციაში.</p> <p>გათვალისწინებულია</p> <p>გათვალისწინებულია</p> <p>მომზადდა საქართველოს კანონის პროექტი „დიზაინის შესახებ“ საქართველოს კანონში ცვლილების შეტანის თაობაზე, რომელიც ინიცირებულია.</p>
--	--	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

		კანონმდებლობის შეცვლას, ნაკისრ საერთაშორისო ვალდებულებათა შესასრულებლად აუცილებელი კანონების მიღებას.	
3	საქართველოს ფინანსთა სამინისტრო	შენიშვნები და წინადადებები არ გააჩნია	
4	საქართველოს ეკონომიკისა და მდგრადი განვითარების სამინისტრო	შენიშვნები და წინადადებები არ გააჩნია	
5	სსიპ ინტელექტუალური საკუთრების ეროვნული ცენტრი - „საქპატენტი“	შენიშვნები და წინადადებები არ გააჩნია	